



Broj: 01-02-2231/14  
Ilidža, 22.05.2014.godine

Na osnovu člana 8. stav (3) alineja dvadeset i šesta Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09) i člana 19. i 87. Statuta općine Ilidža - prečišćeni tekst („Službene novine Kantona Sarajevo“, broj 36/10), prilikom razmatranja tačke dnevnog reda **Uključivanje Općine Ilidža u akciju prikupljanja i dopremanja pomoći ugroženim područjima, te angažovanju ljudstva u pružanju pomoći na čišćenju i spašavanju stanovništva i materijalnih dobara poplavljenih područja BiH**, na vanrednoj sjednici Kolegija Općinskog vijeća Ilidža u proširenom sastavu održanom dana 21.05.2014.godine, općinski načelnik i predsjedavajuća Općinskog vijeća donijeli su

## O D L U K U O OBRAZOVANJU KOORDINACIONOG TIJELA OPĆINE ILIDŽA

### I

Ovom Odlukom obrazuje se Koordinaciono tijelo Općine Ilidža za organizovanje i pružanje pomoći stanovništvu Bosne i Hercegovine koje je pogođeno elementarnim nepogodama u sljedećem sastavu:

1. OMEROVIĆ MUHAMED (zamjenik predsjedavajuće Općinskog vijeća) – predsjednik
2. AVDIĆ SAMIR (vijećnik Općinskog vijeća) – član
3. ČORBO ENES (šef Stručne službe za koordinaciju rada MZ) - član

### II

Zadatak Koordinacionog tijela Općine Ilidža iz tačke I ove Odluke je:

- da organizuje i koordinira akcijama prikupljanja i dopremanja pomoći ugroženim područjima BiH,
- da angažuje potrebno ljudstvo u pružanju pomoći na čišćenju i spašavanju stanovništva i materijalnih dobara poplavljenih područja u BiH,
- da sarađuje sa svim službama za upravu, stručnim i posebnim službama jedinstvenog organa općine Ilidža, mjesnim zajednicama, OJ Dom zdravlja Ilidža, udruženjima građana koja se finansiraju iz budžeta općine Ilidža, privrednim subjektima i svim zainteresovanim pravnim i fizičkim licima, a u cilju pružanja pomoći ugroženom stanovništvu,
- da izdaje upute, obavještenja i vodi sve aktivnosti na organizovanju odlaska ljudstva na područja pogođena elementarnim nepogodama u BiH,
- obavlja i druge poslove i zadatke iz djelokruga rada.

### III

Koordinaciono tijelo Općine Ilidža u prvoj fazi svoga rada i aktivnosti će organizovati odlazak ljudstva na jedan dan u općinu Olovo kako bi u saradnji sa organima ove općine učestvovali u čišćenju i osposobljavanju prostora i objekata za stvaranje uslova za normalizovanje života građana općine Olovo.



Prikupljanje pomoći ugroženom stanovništvu BiH će biti organizovano po svim mjesnim zajednicama općine Ilidža i to svakim radnim danom u vremenu od 8,00-16,00 sati. Prikupljena pomoć (konzervirana hrana, hrana za bebe, higijenske potrepštine, veš, deke tepisi, namještaj, posuđe, bijela tehnika, sitni kućni alat i slično) će biti transportovana iz mjesnih zajednica u Centralno skladište u mjesnoj zajednici Stupsko Brdo.

#### IV

Koordinaciono tijelo Općine Ilidža za svoj rad odgovara općinskom načelniku i predsjedavajućoj Općinskog vijeća.

#### V

Zadužuju se sve službe za upravu, stručne i posebne službe Jedinog općinskog organa uprave općine Ilidža da pruže potrebnu pomoć Koordinacionom tijelu Općine Ilidža i dužne su da reaguju na zahtjeve ovog tijela hitno i profesionalno.

#### VI

Stručne i administrativne poslove za potrebe Koordinacionog tijela Općine Ilidža obavljati će Stručna služba Općinskog vijeća i općinskog načelnika.

#### VII

Ova Odluka dostaviće se svim službama Jedinog općinskog organa uprave, stručnim i posebnim službama, a biće objavljena na web stranici i oglasnoj ploči općine Ilidža.

PREDSJEDAVALA

***Smiljana dr Viteškić***

OPĆINSKI NAČELNIK

***prof.dr. Senaid Memić***

